



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

IV. König Siegmund citirt Hans von Uchtenhagen vor das Hofgericht, sich zu verantworten, warum er dem Burggrafen Friedrich keine Folge leiste, am 29. Oktober 1412.

Nutzungsbedingungen

[urn:nbn:de:hbz:466:1-54734](https://nbn-resolving.org/urn:nbn:de:hbz:466:1-54734)

IV. König Sigmund citirt Hans von Uchtenhagen vor das Hofgericht, sich zu verantworten, warum er dem Burggrafen Friedrich keine Folge leiste, am 29. Oktober 1412.

Wir Sigmund, von Gottes gnaden Römischer kunig, zue allen zeiten merer des Reichs vnd zue Vngern, Dalmatien, Croatien etc. kunig vnd Marggrafe zue Brandenburgk, Entbieten Hanfen von Uchtenhagen vnser gnade vnd thun dir kunde mit diesem brieffe, das vns von wegen des hochbornen Friederichs, Burggrafens zue Nurnbergk, vnfers lieben Ohmen, Rathe vnde Fursten, furbracht ist mit klage, Wiewoll wir In vnfern Obristen houbtman vnd vorweser der Marcke zue Brandenburgk gemacht vnde gesetzt haben, nach Inhalt vnserer brieffe daruber gegeben, vnd wiewoll du das von der Manne vnde Stete der vorgnanten Marcke Machtboten, die vns als ihren rechten Erbherrn von ihr aller wegen, des wir noch brieffe haben, nechst zue Ofen schwuren vnde huldung thaten, vnd auch an den vorgnanten vnfern brieffen woll vernommen hast, vnd wir dir siederhero auch oft verschrieben, geboten vnde dich solcher treue vnde Eyde, die du vns als deinen rechten Erbherrn pflichtig bist, ermant haben, den vorgnanten Friederich, nach laut der vorgnanten vnser brieffe, gehorsamb zue werden vnde zu sein, jedoch so habe dis alles nit geholfen, das vns sehr frembde von dir nimmt. Vnd darumb fordern wir als dein rechter Erbherr, dich fur vns vnd gebieten dir auch ernstlich vnde vestiglich mit diesem brieffe, das du dich vor vns in vnferm hofe versprechen vnde verandworten sollest vff Sanct Anthonien Tagk, der schierst kumbt, wo wir alsdann vff denselben Tagk sein werden, worumb du den vorgnanten vnfern brieffen vnd geboten nicht gehorsamb gewesen seist oder sein sollest; wann thetst du das nicht, So wolten wir furbas darzu thun, das sich gebüret. Geben nach Christi geburt viertzehenhundert Jar vnde darnach in dem zwölfften Jare, des negsten Sambstags vor aller heyligen Tagk, vnserer Reiche des vngerischen etc. in deme sechs vnde zwanzigsten, vnd des Römischen in dem dritten Jare.

Nach einer Copie.

V. Burggraf Friedrich bestätigt denen von Uchtenhagen ihre Lehne, Rechte und Freiheiten und gestattet ihnen, in ihrer Stadt Freienwalde Gilden und Gewerke anzulegen, auch die Straßen in der Umgegend zu beschützen, am 21. September 1413.

Wir fridrich, von gotes gnaden Burggraue czu Nuremberg, oberster vorweser der Marcke czu Brändenburg, bekennen offentlichen mit diesem brieffe, das wir vnfern lieben getruwen Alde hanfen, Junge hanfen vnd Mattis, vettern vnd brudern, gnant von vchtenhagen, vnd Iren rechten erben verliehen haben czu gesamtir hand alle Ire lehen vnd gute, die sy von vnfern vorfarn, fursten vnd furstynnen, Margrauen czu Brandenburg, in einer gesamtir hand gehabt, besessen vnd nu an vns recht vnd redelichen bracht haben. Ouch beuesten vnd bestetigen wir In alle Ire gerechtikeyte, fryheyt vnd gute gewonheyt vnd alle Ire brieffe, die sie vbir solche rechtikeit, fryheit vnd gute gewonheyt gehabt, besessen vnd nu an vns recht redlichen bracht haben. Vnd wir leyhen In solche obeingeschreben lehen vnd guter vnd bestetigen en ouch solche brieffe